

АЗБУКА ВЕРЫ



Канон преподобному Феодосию Тотемскому

Молитвослов 2023

Канон преподобному Феодосию Тотемскому



Минея, 28 Января, Канон

Глас 8

Песнь 1

Ирмос: Поим Господеви,/ проведшему люди Своя сквозе Чермное море,/ яко Един славно прославися.

Прпев: Преподобне отче Феодосие, моли Бога о нас.

Озарй, Христэ Божэ Превечный, Свете от Света, омраченного мя,/ да Богомудраго пою Феодосия.

Прпев: Преподобне отче Феодосие, моли Бога о нас.

Света сподоби, отче, принесшаго тебе пение невечерняго улучшить,/ в немже ликуеши.

Слава Отцу и Сыну и Святому Духу.

Любве Божественный теплотою разжегся, преподобне,/ изсушил еси потоки страстного взыграния.

И ныне и присно и во веки веков. Аминь.

Богородичен: Во утробе Твоей вмещши Невместимаго, всех Творца,/ избави от лютых поющия Тя, Всенепорочная.

Песнь 3

Ты еси утверждение/ притекающих к Тебе, Господи,/ Ты еси Свет омраченных,/ и поет Тя дух мой.

Прпев: Преподобне отче Феодосие, моли Бога о нас.

Возлюбил еси от юности усердно Христови работати,/ Егоже ради вся презрел еси, долу влекущая.

Прпев: Преподобне отче Феодосие, моли Бога о нас.

Очистив ум, тело и дух, треблаженне,/ дом был еси Трисолнечнаго Света,/ украшен добродетельми.

Слава Отцу и Сыну и Святому Духу.

Естество плоти воздержанием утончил еси,/ Христа имея, Феодосие, укрепляющая тя к подвигом.

И ныне и присно и во веки веков. Аминь.

Богородичен: Моли, Всечистая и Неискусобрачная Марие, Сына Твоего и Бога нашего,/ послати нам велию милость.

Седален, глас 8

Премножеством добродетелей от младенства житие украсил еси,/ помыслив от земных на Небесная,/ и делом совершив, отче Феодосие, славу и богатство тленное ни во что же вменил еси;/ постом и власяным одеянием плоть твою изнурял еси,/ всенощным же стоянием и

молітвами собесѣдникъ ангельскимъ ликомъ показался еси./ Моли Христа Бога согрешений оставление даровати/ чтущимъ любовію святую память твою.

Слава Отцу и Сыну и Святому Духу, и ныне и присно и во веки веков. Аминь.

Богородичен: Яко Деву и едину в женах, Тя, без семени рождшую Бога плотию,/ вси ублажаем, роди человечести:/ Огнь бо вселися в Тя Божества/ и яко Младенца млеком питаеши Зиждителя и Господа./ Тем, Ангельский и человеческий род, достойно славим Пресвятое Рождество Твое/ и согласно вопием Ти:/ моли Христа Бога согрешений оставление даровати/ поклоняющимся верою Пресвятому Рождеству Твоему.

Песнь 4

Ирмос: Услышах, Господи,/ смотрения Твоего таинство,/ разумех дела Твоя/ и прославих Твое Божество.

Прпев: Преподобне отче Феодосие, моли Бога о нас.

Силою Владычнюю лестна коварство разрушил еси,/ прешед немятежно в райская селения.

Прпев: Преподобне отче Феодосие, моли Бога о нас.

Паче будущаго ничтоже ино предпочти л еси/ и сего ради наследовал еси вечное блаженство, отче наш Феодосие.

Слава Отцу и Сыну и Святому Духу.

Слезными потоки омыл еси нечистоту греховную,/ бдением же и молитвами ли ком святых сопричтен был еси.

И ныне и присно и во веки веков. Аминь.

Богородичен: Ед ину Тя поем и по рождестве Деву, Богородице:/ Ты бо Слово плотию нетленно родила еси миру.

Песнь 5

Ирмос: Просвети нас повелении Твоими, Господи,/ и мышцею Твоею высокою/ Твой мир подаждь нам,/ Человеколюбче.

Прпев: Преподобне отче Феодосие, моли Бога о нас.

Око сердца управив ко Творцу всех, Феодосие,/ и рассмотрив, козни вражия/ твоим твердым смыслом низложил еси.

Прпев: Преподобне отче Феодосие, моли Бога о нас.

Мудрования плоти покорил еси духови,/ умом к Вышнему возревновав,/ и от Него приял еси духовную благодать.

Слава Отцу и Сыну и Святому Духу.

Основание, егоже противник не подвиже,/ крепко положив в души твоей,/ живуща имел еси Святаго Духа.

И ны́не и прѣсно и во ве́ки веко́в. Ами́нь.

Богородичен: Щедрот бѣздну имѹщи, Дѣво Богородице,/ при́зри на мя, озло́бленнаго грехми,/ и в ров па́дша возведи́ к пока́йнию.

Песнь 6

Ирмос: Ри́зу мне пода́ждь свѣтлу,/ оде́йся свѣтом, я́ко ри́зою,/ Многоми́лостиве Христѣ́ Бо́же наш.

Припев: Преподо́бне о́тче Феодо́сие, моли́ Бо́га о на́с.

Авраа́му подо́бся, оста́вив земна́го оте́чества град,/ мно́гим тщ́анием Христу́ послѣдовал еси́.

Припев: Преподо́бне о́тче Феодо́сие, моли́ Бо́га о на́с.

Богáтство и сла́ву презрѣв,/ оде́яние жесто́кое носил еси́,/ сим исткáв себе́ оде́жду нетлѣния.

Сла́ва Отцу́ и Сы́ну и Свято́му Ду́ху.

Удобрил еси́ себе́, Богомѹдре,/ красными́ восхожде́нии к Небѣ́сным востѣ́к, Божѣ́ственными кри́лы.

И ны́не и прѣсно и во ве́ки веко́в. Ами́нь.

Богородичен: Дѣвство́ чѣ́сто соблю́дши/ и Безлѣ́тное Сло́во под ко́нѣц лѣ́том ро́ждши,/ Твои́м молѣ́нием спаси́ пою́щия Тя.

Кондак, глас 8

Воздержáнием плоть изнури́л еси́/ и непрестáнными молѣ́твами, я́ко Ангел, возвы́сился еси́,/ стру́ями же слѣ́зными бесо́вския полки́ погрузи́л еси́./ И ны́не во Свѣ́те невечѣ́рнем ликѹ́еши у Христа́ Бо́га/ и приходя́щим ко свято́му твоѹ́му гробу́ неоску́дно исцелѣ́ние пода́еши,/ ве́рою вопи́ющим тебе́:/ ра́дуйся, о́тче Феодо́сие Богомѹ́дре.

Икос

Возревновáв о Божѣ́ственных бдѣ́ниях/ и тѣ́сным на земли́ шѣ́ствовав путе́м,/ Небѣ́сных простра́нствія ра́достне дости́гл еси́,/ иде́же зри́ши Пресвяту́ю Трѣ́ицу,/ дарова́ньми чудѣ́с обогаща́емь./ Мы же, терпе́нию твоѹ́му дивя́щся, си́це вопи́ем:/ ра́дуйся, чѣ́стое Свята́го Ду́ха прия́телище;/ ра́дуйся, земный́ Ангеле́ и Небѣ́сный челове́че;/ ра́дуйся, любве́ ра́ди Христовы́ град оте́чества земна́го оста́вивый/ и в междоре́чии жи́ти изво́ливый;/ ра́дуйся, дре́во добродѣ́телей, при вода́х насажде́нное;/ ра́дуйся, я́ко плод принѣ́сл еси́ благоцвету́щ послу́шания;/ ра́дуйся, я́ко терпе́нием твои́м стра́сти плотскія́ умертви́л еси́;/ ра́дуйся, я́ко ору́жием крѣ́стным мы́сленнаго Амали́ка посе́кл еси́;/ ра́дуйся, сто́лпе, непоколебѣ́мый житѣ́йскими вѣ́тры;/ ра́дуйся, лука́вых духо́в прогонѣ́телю;/ ра́дуйся, я́ко исцелѣ́ний источа́еши реку́;/ ра́дуйся, я́ко стра́ждущих от бед изба́вляеши;/ ра́дуйся, ино́ком исправлѣ́ние;/ ра́дуйся, о́тче Феодо́сие Богомѹ́дре.

Песнь 7

Ирмос: Ангелом о́троки из огня́ спасы́й/ и гре́мящую печь преложи́вый на ро́су,/ благословѣ́н еси́, Бо́же о́тец на́ших.

Прпев: Преподобне отче Феодосие, моли Бога о нас.

Плотию обложен, безплотныя победил еси,/ непрестанно Христови зовый:/ благословен еси, Боже отец наших.

Прпев: Преподобне отче Феодосие, моли Бога о нас.

Огнем Божественным терние греховных страстей попалил еси, Богомудре, поя:/ благословен еси, Боже отец наших.

Слава Отцу и Сыну и Святому Духу.

Юности рачения оплевав разумно,/ всего себе Богу возложил еси, поя:/ благословен еси, Боже отец наших.

И ныне и присно и во веки веков. Аминь.

Богородичен: Небесе ширшую Деву показа правды Солнце, из Нея возсияв, Спас поющих:/ благословен еси, Боже отец наших.

Песнь 8

Ирмос: Богоглаголивии отроцы в пещи,/ со огнем пламень попирающе, пояху:/ благословите, дела Господня, Господа.

Прпев: Преподобне отче Феодосие, моли Бога о нас.

Славословием всеночным присно соодолел еси страстем, преблаженне, поя:/ благословите, дела Господня, Господа.

Прпев: Преподобне отче Феодосие, моли Бога о нас.

Неприкосновеннаго улучив света,/ с лики святых водворяешия, отче, поя:/ благословите, дела Господня, Господа.

Слава Отцу и Сыну и Святому Духу.

Горняго Иерусалима достигнути сподоби, отче Феодосие, поющих:/ благословите, дела Господня, Господа.

И ныне и присно и во веки веков. Аминь.

Богородичен: Обожил есть, из Тебе воплощется, Господь, Владычице, земных существ, поющих:/ благословите, дела Господня, Господа.

Песнь 9

Ирмос: Чистую славно почтим, людие, Богородицу,/ огонь Божества приемшую во чреве неопально,/ песнями величаем.

Прпев: Преподобне отче Феодосие, моли Бога о нас.

Любезно подвиг скончав и возделав ниву душевную,/ плод сторичный пожал еси, отче Феодосие, ты чтущих.

Приве: Преподобне отче Феодосие, моли Бога о нас.

Вечныя достигл еси жизни крайним воздержанием/ и Свет Присносущныя Троицы зрети сподобился еси, отче Богомудре.

Слава Отцу и Сыну и Святому Духу.

Ко Владыце имея дерзновение, точиши исцеления,/ и всем, чтущим память твою, отче, милость испроси.

И ныне и присно и во веки веков. Аминь.

Богородичен: Адамовым вкушением приставленное оружие Тобою, Пречистая, вход даёт./ стыдяся копья, прободшаго Рождшагося из Тебе.

Светилен

Умертвил еси долу влекущая мудрования,/ и, мирскаго пристрастия удалився, яко скверны,/ процвел еси, яко финикс, давидски, отче Феодосие,/ и Небесною славою со Ангелы обогатился еси от Бога,/ Егоже в песнях восхваляем.

Слава Отцу и Сыну и Святому Духу, и ныне и присно и во веки веков. Аминь.

Богородичен: Честнейши еси всея твари, Богородице Дево, Христа рождающая,/ Того убо моли сохранитися стаду Твоему невредиму/ от всякаго навета сопротивнаго.